



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

Quoru[m] no[n] sint Ideae. C. 7.

urn:nbn:de:hbz:466:1-12918

Quorum non sint Ideæ.

C A P . VII.



Voniam nil superuacaneum est in universo, & præsertim in mundo intel ligibili; ac multorum inutiles prorsus essent Ideæ: propterea non omnium, sed eorum tatum, quibus conueniunt, in diuina mente reperiuntur Ideæ. Primo, in ea non inest Idea suimet, tum quia non se producit, tum, insuper, quia non simul eidem in eodem duo conueniunt modi, quibus sit. Dicitur tamen prima Mens, Idea omnium, ut cecinit Orpheus: & aliqua ratione dicitur Idea participatæ mentis, animæ rationalis, & naturæ; quatenus hæc omnia sunt quoddam uniuersum, umbra, & imitatio primæ mentis, & mundi intelligibilis eius. Insuper ea, quæ natæ sunt effici, vel per naturam, vel per artem efficiuntur: Si per artem, dubium est, an eorum sint Ideæ. Plato in 10. de R.P. etiam horum Ideas videtur ponere, cum dicat, differens de Ida: Deum unicum constituisse lectum, & propterea unius rei unicam esse Ideam. Nec sat est, si dicas de lecto fuisse loquutum gratia exépli; vt pateret, ita se habere de rebus physicis. Nam pariter eius sententia fuisset conspi cuæ, si de homine, vel de leone eam protulisset. Propterea dicamus, eorum, quæ arte constant, partim esse, partim non esse Ideas: non esse quidem; quatenus ea proxime à mente non fiunt: esse verò, quatenus constantia arte, sunt

Sunt imitationes eorum, quæ natura constant; Ars enim imitatur naturam; & propterea cùm dentur Ideæ eorū, quæ natura constant, in virtute etiam dantur Ideæ constantium arte. Insuper, vt docet Plotinus in lib. de Ideis cap. II. Artificiosa pendent à rationibus, numeris, & mensuris animæ rationalis; cuius cùm detur Idea, etiam in ea in virtute continentur Ideæ arte constantium: propriè itaque horum nō est Idea, modo tamen aliquo etiam eorum est. Insuper ea, quæ natura producuntur, vel sunt accidentia, vel substantiæ. Aristot. tribuit Platoni in primo Metaph. 29. quod accidens non posuerit Ideas: quod tamen absolute verum non est: nam multorum, quæ apud nos accidentia sunt, in prima mente, ex Platonis sententia, reperiuntur Ideæ; vt Syrianus in 12. Metaph. Plotinus in lib. de Ideis cap. 10. aliique insignes Platonici manifestarunt. Non tamen omnium accidentiū sunt Ideæ: vt proprietatum Ideæ non sunt, veluti risibilitatis, & similitudinis: ratio est, quoniam huiusmodi proprietates pendent ab Idea eius, cuius sunt proprietates; namque dans formam, dicitur tradere etiam ea, quæ per naturam sequuntur formam. Pari ratione multorum accidentium non sunt Ideæ, quoniam rediguntur ad Ideas substantiæ, cui conueniunt, & à qua pendent; vt caliditatis ad Ideam ignis; secundæ autem qualitates ex primis consurgunt. At quorundam accidentium, & præsertim eorum, quæ

G

præcipua sunt, hominem perficiunt, nec ex hominis generatione consurgunt, datur Ideæ; vt sapientiæ, iustitiæ, temperatiæ, & similium: Ut in Phædro manifestauit Plato, dum asseruit, animas sursum ductas conspicere ipsam iustitiam, ipsam temperantiam, ipsam scientiam; horum tamen Ideæ in diuina mente accidentia non sunt. Neq; esset à Platonicis fundamentis alienum asserere, nō ita dari Ideam sapientiæ, & virtutū in Diuina mente, vt dantur Ideæ aliarum rerum; nam Idea sapientiæ est ipsamet sapientia diuinæ mentis, quæ est sapientia, vt est Idea omnium. In sapientia, ex sententia Platonis, eminenter continetur prudentia; quæ prudentia, ex eiusdem sententia, est virtus omnis. Sic itaque modo quodam, at non ita, vt aliorum, in Diuina mente reperitur Idea sapientiæ, & virtutum. Relatorum quoque in Dei mente, vt ait Alcinous, non sunt Ideæ, qua de re est dubitatio; quoniā frequenter fit mentio Ideæ æqualitatis, Ideæ similitudinis; vt exactè æquale, & simile denotetur: Propterea Aristot. in 13. Metaph. cap. 4. obicit Platonis, quod horum ponat Ideas, cum tamē horum nec quidem vnu genus sit. Syrianus, qui librum illum propterea exposuit, vt Platonis sententiam de Ideis à calumniis Aristot. vindicaret, inquit, duplicem esse relationem: vnam, quæ non sit substantia; alteram, quæ substantia sit: prima diuinæ menti non conuenit; altera conuenit, ne dum ex sententia

Plato-

Platonis, verum etiam ex sententia Aristotelis.
Sic asserit similitudinis, & equalitatis, diuersitatis dari Ideas: quoniam res per alicuius Ideæ participationem similes, & æquales constituantur. Sed, ut clarius dubitatio è medio tollatur, dicimus relatorum non esse Ideam, quatenus in relatione consistunt; sed eorum esse Ideam ratione alicuius absoluti, quo innituntur, & in quo posita sunt. Addamus insuper de æqualitate, diuersitate, & similitudine loquendo, non propriè eorum esse Ideam; sed redigi ad ea, quæ genera rerum dicta sunt, nepe ad identitatem, & alteritatem. Secùs itaque horum dantur Ideæ, quam aliorum, quibus magis propriè conueniunt. Substantiarum itaque præsertim sunt Ideæ. Verum substantiæ adhuc sunt duplices, intelligibiles, & sensibiles: de intelligibilibus, ut de mentibus sub prima collocatis, est dubitatio, vtrum earum sint Ideæ. Numenius, Cronius, & Amelius, id affirmant; Porphyrius id negat: & proculdubio Porphyrij sententia magis est approbanda; quoniam substantiæ intelligibiles in se habent rerum Ideas, non autem valent habere Ideas sui. Insuper materia dicitur sinus informis, natus Ideis participare; at non recipiuntur in materia substatiæ intelligibiles; sed prima & suprema omnium formarum, quæ in materia modo aliquo recipiuntur, anima est; ideo primo animæ, inoxaliarum corporatarum formarum Ideæ sunt. Non itaque mentium

G. 2

sunt Ideæ; sed solùm similitudine quadam di-
cere possumus mentem priam esse Ideam
subsequentium; quatenus mentium omnium
caput, & princeps, & veluti exemplar, ea est,

*Vtrum mathematicarum formarum
dentur Ideæ.*

CAP. VIII.

Ffertur hoc in loco nobis occasio
pulchræ considerationis; & est, v.
trum mathematicarum formarum
sive ad Arithmeticum, sive ad Geo-
metram pertinentium, dentur Ideæ, vel ne. Et
iurè de his ambigere cogiinur: quoniam ex-
na parte apparet, eorum non dari Ideas, cùm
Ideæ sint substantiæ, hæc autem sunt vilia ac-
cidentia. Confirmatur, quoniam Arist. in I. de
moribus cap. 7. asseruit Platoneim non posui-
se Ideam numerorum, quia in numeris repe-
ritur ordo, & prius ac posterius: cùm autem
numeri principatum obtineant inter consi-
derata à mathematico, & Arithmeticam ma-
thematicarum primam constituant; si eorum
non dantur Ideæ, longè inminus erunt aliorum;
cùm Ideæ sint formæ quædam primæ, eorum
præsertim, quæ apud nos prima sunt. Ex ad-
uerso Proclus inter Platonicos nemini secun-
dus, in primum Euclidis manifestè asserit, ra-
tionibusque confirmat, rerum mathematica-
rum dari Ideas: & iurè quidem: nisi enim da-
retur Idea recti, Idea circuli, Idea lineæ: hæc
nullibi